

BOSNA I HERCEGOVINA
FEDERACIJA BOSNE I HERCEGOVINE
UNSKO - SANSKI KANTON
OPĆINA CAZIN

SLUŽBENE NOVINE
OPĆINE CAZIN

OPĆINSKO VIJEĆE

890. Na osnovu člana 7. i 40. tačke 2. Statuta Općine Cazin ("Službene novine" općine Cazin br. 2/02), Općinsko vijeće općine Cazin na svojoj redovnoj IX sjednici održanoj 16.07.2005. godine, d o n i j e l o j e

O D L U K U

o utvrđivanju značajnih datuma na području općine Cazin

Član 1.

Ovom Odlukom utvrđuju se značajni datumi na području općine Cazin.

Član 2.

Značajni datumi na području općine Cazin su:

- 06. august, deblokada općine Cazin i Unsko-Sanskog Kantona, Dan Cazinskih brigada Armije BiH i MUP-a,
- 21. april početak otpora agresiji na Bosnu i Hercegovinu,
- 10. juni prve žrtve otpora agresiji i polaganje zakletve jednica teritorijalne odbrane općine Cazin,
- 23. juli Dan pobjede,
- Drugi dan Kurban Bajrama - Dan Šehida i poginulih boraca,
- 28. august Dan patriota Cazinske krajine,
- 02. septembar Dan prvog oslobođenja Cazina od fašističkog agresora.

Član 3.

Svi značajni datumi utvrđeni u Unsko Sanskom Kantonu, Federaciji BiH i Državi Bosni i Hercegovini prihvataju se kao značajni datumi općine Cazin.

Član 4.

Ova Odluka stupa na snagu danom objavljivanja u "Službenim novinama" općine Cazin.

PREDSJEDAVAJUĆI VIJEĆA
Hozanović Rifet

Broj: 01/V-05-4256/05

Datum: 16.07.2005.

891. Na osnovu člana 7. i 40. tačke 2. Statuta Općine Cazin ("Službene novine" općine Cazin br. 2/02), Općinsko vijeće općine Cazin na svojoj redovnoj IX sjednici održanoj 16.07.2005. godine, d o n i j e l o j e,

O D L U K U

o proglašavanju Dana općine Cazin

Član 1.

06. AUGUST, DEBLOKADA OPĆINE CAZIN I UNSKO SANSKOG KANTONA
UTVRDJUJE SE I PROGLAŠAVA DANOM OPĆINE CAZIN.

Član 2.

Ova Odluka stupa na snagu danom objavljivanja u "Službenim novinama" općine Cazin.

PREDSJEDAVAJUĆI VIJEĆA
Hozanović Rifet

Broj: 01/V-05-4353/05

Datum: 16.07.2005.

892. Na osnovu člana 40. tačke 2. Statuta općine Cazin («Službene novine» općine Cazin br. 2/02), člana 10f. Poslovnika o radu («Službene novine» općine Cazin br. 1/03) Općinsko vijeće općine Cazin na svojoj IX redovnoj sjednici održanoj 16.07.2005. godine, d o n i j e l o j e,

O D L U K U

I

Daje se saglasnost Općinskom načelniku općine Cazin da može kod Fondacije za održivi razvoj - OdRaz kandidirati slijedeće projekte:

1. Projekt proširenja zgrade Doma kulture Cazin,
2. Projekt adaptacije višenamjenske Konferencijske sale općine Cazin.

II

Ovaj Zaključak stupa na snagu odmah a ima se objaviti u "Službenim novinama" općine Cazin.

PREDSJEDAVAJUĆI VIJEĆA
Hozanović Rifet

Broj: 01/V-05-5785/05

Datum: 16.07.2005. godine

893. Na osnovu člana 7. i 40. Statuta općine Cazin ("Službene novine" općine Cazin broj: 2/02), Općinsko vijeće općine Cazin na svojoj I hitnoj sjednici održanoj 23.07.2005. godine, d o n i j e l o j e

O D L U K U

O GRBU I ZASTAVI OPĆINE CAZIN

Član 1.

Grb Općine Cazin je u obliku štita.

U osnovi grba nalaze se pretežito tri boje: zelena, bijela i plava. Grb je uokviren zlatnožutim okvirom sa bijelom postavkom širine kao okvir.

U gornjem dijelu grba je silueta starog grada Cazina sa gradskom džamijom a u produžetku dati su simboli starih gradova sa područja općine. Dvije uvijene plave trake na grbu simboliziraju rijeke Unu i Koranu. Ljiljan je simbol državnosti Bosanske države kroz istoriju i simbol nacionalnog odredjena i izražava pripadnost Bošnjačkom narodu.

Deset koncentrično raspoređenih zvijezda su preuzete sa državnih obilježja BiH a sa ljiljanom u sredini oslikavaju pripadnost i lojalnost državnoj zajednici, također pripadnost i konstitutivnost u Federaciji BiH ali daju i odredjenje ekonomsko-političkih nastojanja ulaska u Evropske integracije.

Član 2.

Zastava Općine Cazin je pravokutnog oblika sa tri horizontalno poredana polja s vrha na dolje: zelene, plave i bijele boje. Preovladava iznadpolovična širina polja zelene boje.

Na sredini zastave nalazi se grb Općine.

Odnos širine i dužine zastave je 1:2.

Član 3.

Likovna rješenja grba i zastave Općine Cazin su sastavni dio ove Odluke.

Likovni – grafički standardi izrade grba i zastave iz prethodnog stava, položaj grba na zastavi i njegove dimenzije kao i katološke oznake i brojevi boja na grbu i zastavi sastavni su dio ove Odluke.

Član 4.

O upotrebi grba i zastave Općine Cazin donosi se posebna Odluka.

Član 5.

Stupanjem na snagu ove Odluke prestaju da važe sve ranije Odluke o grbu i zastavi Općine Cazin.


Član 6.

Ova Odluka stupa na snagu narednog dana od dana objavljivanja u "Službenim novinama" općine Cazin.

PREDSJEDAVAJUĆI VIJEĆA
Hozanović Rifet

Broj: 01/V-05-5968/05.


Datum: 23.07.2005. godine



GRB I ZASTAVA OPĆINE CAZIN

Kataloški brojevi boja po Pantone skali:

1. Plava 2728c
2. Zelena 353c
3. Zlatna 456c
4. Bijela 0



894. Na osnovu člana 15. Zakona o eksproprijaciji («Službeni list SR BiH», broj: 12/87, 38/89 i 15/04) i člana 40. Statuta Općine Cazin («Službene novine» općine Cazin, broj 2/02), Općinsko vijeće općine Cazin na svojoj IX redovnoj sjednici održanoj 16.07.2005. godine, donijelo je

R J E Š E N J E

o utvrđivanju općeg interesa

1. Utvrđuje se da je od općeg interesa izgradnja objekta repetitorskog podsistema – antenski stub, na lokalitetu Velike Gomile, čiji je investitor JP Elektropirvreda BiH d.d. Sarajevo – Elektrodistribucija Bihać, te da se može pristupiti prenosu prava vlasništva na zemljištu koje nosi oznaku:

k.č. broj: 2400/5 šuma Gomila u površini od 48 m² upisana u zk.ul.broj: 336 k.o. Stijena a što prema podacima novog katastarskog operata predstavlja k.č. broj: 3763/7 k.o. Stijena gruntovno upisano kao državni erar Kraljevine Jugoslavije a katastarski kao posjed Šipad «Una» OOUR Risovac.

2. O izvršenju ovog rješenja starat će se Služba za urbanizam, katastar, geodetske, imovinsko-pravne i stambeno-komunalne poslove Općine Cazin.

3. Ovo rješenje stupa na snagu danom donošenja a isto se ima objaviti u «Službenim novinama» općine Cazin.

4. Protiv ovog rješenja se ne može izjaviti žalba niti se može pokrenuti upravni spor.

O b r a z l o ž e n j e

Dana 08.06.2005. godine JP Elektroprivreda BiH d.d. Sarajevo – Elektrodistribucija Bihać podnijelo je prijedlog kojim traži da Općinsko vijeće općine Cazin utvrdi da je od općeg interesa izgradnja objekta repetitorskog podsistema – antenski stub na lokalitetu Velike Gomile, a koji bi trebao služiti u svrhu korištenja novog govornog i telemetrijskog radio sistema ED Bihać, te da se može nakon toga pristupiti prenosu prava vlasništva na zemljištu opisanom u tački I. ovog rješenja. U zahtjevu se dalje navodi da je za izgradnju predmetnog objekta izdata i urbanistička saglasnost od strane nadležnog organa općine Cazin broj: 05-23-574/05 od 28.04.2005. godine, te da je gore navedeni način upravljanja elektroenergetskim sistemom pomoću novog govornog i telemetrijskog radio sistema već odavno prihvaćen u tehnološki naprednijim zemljama i da isti u velikoj mjeri poboljšava upravljanje i kvalitetu isporuke električne energije.

Razmatrajući podneseni zahtjev, priloženu dokumentaciju uz isti, a uzimajući u obzir potrebe i opravdanost izgradnje predmetnog objekta na

pomenutom lokalitetu, Općinsko vijeće općine Cazin prihvatilo je prijedlog podnosioca i odlučilo kao u dispozitivu ovog rješenja.

Protiv ovog rješenja se ne može izjaviti žalba prema odredbama člana 222. stav 5. Zakona o upravnom postupku («Službene novine» F BiH, broj: 2/98 i 48/99), niti se može pokrenuti upravni spor prema odredbama člana 18. Zakona o eksproprijaciji («Službeni list: SRBiH, broj: 12/87, 38/89 i 15/04).

PREDSJEDAVAJUĆI VIJEĆA

Hozanović Rifet

Broj: 01/V-05-5768/05

Datum: 16.07.2005. godine

895. Na osnovu člana 94. a u vezi sa članom 36. Zakona o eksproprijaciji («Službeni list » SR BiH, broj: 12/87, 38/89), člana 40. Statuta Općine Cazin («Službene novine» općine Cazin br. 2/02) i člana 101. Poslovnika o radu Općinskog vijeća općine Cazin («Službene novine» općine Cazin broj: 1/03). Općinsko vijeće općine Cazin na svojoj I hitnoj sjednici održanoj 23.07.2005. godine, donijelo je,

R J E Š E N J E

1. UTVRĐUJE SE da je od općeg interesa privremeno zauzimanje zemljišta u cilju sprovođenja mjera zaštite života i zdravlja ljudi i sanacije posljedica nastalih neodvožnjom komunalnog otpada, te da nadležni organ uprave može donijeti rješenje o privremenom zauzimanju državnog zemljišta i to:

- dio k.č. broj: 61/1 upisana u zk.ul.broj: 350 k.o. Tržac (koji je uništen) prema starom operatu, a što prema podacima novog operata predstavlja dio k.č. broj: 1009 upisana u PL broj: 213/04 k.o. Tržac.

- dio k.č. broj: 479/1 šuma «Crnaja» u površini od 996.550 m² upisana u zk.ul. broj: 350 k.o. Tržac po starom operatu, a što po novom operatu predstavlja dio k.č. broj: 1845 upisana u PL broj: 213/04 k.o. Tržac;

- dio ISKAZ I, potok «Crnaja» u površini od 14.000 m² po starom operatu, a što po novom predstavlja dio k.č. broj: 3936 upisana u PL 209/01 k.o. Tržac.

2. O izvršenju ovog rješenja starat će se Služba za urbanizam, katastar, geodetske, imovinsko-pravne i stambeno-komunalne poslove općine Cazin.

3. Ovo rješenje stupa na snagu odmah, a ima se objaviti u «Službenim novinama» općine Cazin

O b r a z l o ž e n j e

Štab Civilne zaštite općine Cazin uputio je Službi za urbanizam, katastar, geodetske, imovinsko-pravne i stambeno-komunalne poslove zahtjev broj: 07-44-5951/05 od 22.07.2005. godine s kojim od iste službe traži da se pripremi prijedlog Općinskom vijeću da je od općeg interesa privremeno zauzimanje zemljišta označenog u tački I. dispozitiva ovog rješenja, a u cilju sprovođenja mjera zaštite života i zdravlja ljudi i sanacije posljedica nastalih neodvoženjem komunalnog otpada.

U svom zahtjevu navode da je aktom Općinskog načelnika broj: 01-44-5860/05 od 20.07.2005. godine na području općine Cazin proglašeno stanje TEHNIČKO-TEHNOLOŠKE NESREĆE uzrokovane neodvoženjem komunalnog otpada.

Dalje u svom zahtjevu navode da je naloženo JKP "ČISTOĆA" Cazin da HITNO otpočne sa sakupljanjem i stavljanjem pod kontrolu komunalnog otpada u rejonu "BRANJEVINA", područje Mjesne zajednice Tržačka Raštela (k.o. Tržac), na djelu:

- dio k.č. broj: 61/1 upisana u zk.ul. broj: 350 k.o. Tržac (koji je uništen) prema starom operatu a vode se kao državni erar Kraljevine Jugoslavije sa dijelom 1/1, a što prema podacima novog operata predstavlja dio k.č. broj: 1009 upisana u PL broj: 213/04 k.o. Tržac, a nalazi se u posjedu DR.SV.OOUR RISOVAC RJ ŠUMARIJA CAZIN sa dijelom 1/1;

- dio k.č. broj: 479/1 šuma "Crnaja" u površini od 996,550 m2 upisana u uk.ul. broj: 350 k.o. Tržac po starom operatu, a vode se kao državni erar kraljevine Jugoslavije sa dijelom 1/1, a što po novom operatu predstavlja k.č. broj: 1845 upisana u PL broj: 213/04 k.o. Tržac i u posjedu je DR.SV.RISOVAC RJ ŠUMARIJA CAZIN sa dijelom 1/1;

- dio ISKAZ I, potok "Crnaja" u površini od 14.000 m2 po starom operatu, a što po novom predstavlja dio k.č. broj: 3936 upisana u PL 209/01 k.o. Tržac, a u posjedu DR.SV.DOBRO VODE Tržac.

Razmatrajući zahtjev a imajući u vidu potrebe i opravdanost privremenog zauzimanja zemljišta, Općinsko vijeće općine Cazin je prihvatilo prijedlog i odlučilo kao u dispozitivu ovog rješenja.

Protiv ovog rješenja ne može se izjaviti žalba prema odredbama člana 222. Zakona o upravnom postupku ("Službene novine" F BiH, broj: 2/98 i 48/99), a niti se može voditi upravni spor.

PREDSJEDAVAJUĆI VIJEĆA
Hozanović Rifet

Broj: 01/V-05-5969/05

Datum: 23.07.2005. godine

896. Na osnovu člana 40. tačke 2. Statuta općine Cazin («Službene novine» općine Cazin br. 2/02) a zbog nemogućnosti odvoženja i odlaganja komunalnog otpada sa općine Cazin, što je prouzrokovano nepoštivanje sporazuma između općine Cazin i općine Bos.Krupa donošenjem Odluke Općinskog vijeća Bosanska Krupa o zabrani deponovanja smeća na deponiju «Krivodol» za općinu Cazin od 15.06.2005. godine, Općinsko vijeće općine Cazin na svojoj IX redovnoj sjednici održanoj 16.07.2005. godine, d o n i j e l o j e,

ZAKLJUČAK

I

Traži se od Načelnika Općine Cazin da proglasi vanredno stanje na Općini Cazin zbog opasnosti od ekološke katastrofe i prijetnje epidemije.

II

Traži se od Načelnika Općine Cazin da podnese tužbu protiv Općine Bosanska Krupa za donošenje privremene mjere zbog ne izvršavanja potpisanog sporazuma o korištenju deponije "Krivodol" između Općina Bos.Krupa, Cazin i Bužim.

III

Traži se od Kantonalnog inspektora USK-a za zaštitu okoliša da poništi Zaključak kojim je zabranio korištenje deponije "Krivodol" za Općinu Cazin te da donese novi Zaključak o izvršenju rješenja korištenja deponije "Krivodol" za Općinu Cazin.

IV

Traži se od Vlade USK-a i Ministarstva prostornog uređenja i zaštite okoliša USK-a za hitnu intervenciju MUP-a USK-a u cilju izvršenja Zaključka o odvoženju smeća na deponiju "Krivodol". Isti treba da se angažuju na trajnom rješavanju deponovanja komunalnog otpada sa Općine Cazin.

V

Traži se od Vlade USK-a i Ministarstva prostornog uređenja i zaštite okoliša USK-a da hitno agažira stručnjake za utvrđivanje uslova za odlaganje komunalnog otpada na prostoru "Gomila" a u međuvremenu da isti odrede lokaciju na prostoru USK-a koja je u funkciji na koju bi se odlagao komunalni otpad sa područja Općine Cazin.

VI

Nalaže se JKP "Čistoća" Cazin da sa prostora Pećigrada (iza benzinske pumpe) izvrši hitno odvoženje komunalnog otpada koje je deponovalo ovo javno preduzeće i izvrši sanaciju tog dijela.

VII

U slučaju da se komunalni otpad sa područja Općine Cazin ne počne odlagati do 23.07.2005. godine traži se od Skupštine USK-a da se održi hitna – vanredna sjednica Skupštine USK-a radi tretiranja i traženja rješenja deponovanja komunalnog otpada.

VIII

Ovaj Zaključak stupa na snagu odmah a ima se objaviti u "Službenim novinama" općine Cazin.

PREDSJEDAVAJUĆI VIJEĆA
Hozanović Rifet

Broj: 01/V-05-5769/05
Datum: 16.07.2005. godine

897. Na osnovu člana 217. stav 2. Zakona o upravnom postupku ("Službene novine" F BiH, broj: 2/98 i 48/99) člana 40. Statuta Općine Cazin ("Službene novine" općine Cazin br. 2/02), Općinsko vijeće općine Cazin na svojoj I hitnoj sjednici održanoj 23.07.2005. godine, donijelo je,

Z A K L J U Č A K

1. U Odluci Općinskog vijeća općine Cazin o prenosu objekta i zemljišta društvene -državne svojine u Trž.Raštelima, broj: 01/V-05-1013/05 od 09.02.2005. godine ispravlja se greška tako da u tački 1. stav 2. umjesto u "zk.ul.broj: 279 k.o. Tržac" treba da bude "zk.ul.broj: 840 k.o. Tržac".

2. Ovaj Zaključak čini sastavni dio odluke navedene u tački 1. ovog Zaključka i dostavlja se strankama kojima je dostavljena i Odluka.

3. Ovaj Zaključak stupa na snagu odmah, a ima se objaviti u «Službenim novinama» općine Cazin.

O b r a z l o ž e n j e

Odlukom Općinskog vijeća Općine Cazin o prenosu objekta i zemljišta društvene – državne svojine u Tržačkim Raštelima broj: 01/V-05-1013/05 od 09.02.2005. godine učinjena je štamparska greška te je navedeno da su nekretnine koje se prenose ovom Odlukom upisane u zk.ul.broj: 279 k.o. Tržac, a trebalo je navesti da su iste upisane u zk.ul. broj: 840 k.o. Tržac.

S obzirom na navedeno u skladu sa članom 217. stav 2. Zakona o upravnom postupku odlučeno je kao u dispozitivu ovog Zaključka.

Protiv ovog Zaključka nije dopuštena žalba u skladu sa članom 222. Zakona o upravnom postupku, ali se može pokrenuti upravni spor pred nadležnim sudom u

roku od 30 dana nakon dostavljanja ovog Zaključka. Tužba se podnosi neposredno sudu u dva istovjetna primjerka.

PREDSJEDAVAJUĆI VIJEĆA
Hozanović Rifet

Broj: 01/V-05-5970/05
Datum: 23.07.2005. godine

898. Na osnovu člana 40. Statuta općine Cazin («Službene novine» općine Cazin broj: 2/02), člana 101. Poslovnika o radu Općinskog vijeća općine Cazin («Službene novine» općine Cazin br. 1/03) a u vezi donošenja Rješenja o utvrđivanju općeg interesa privremenog zauzimanja državnog zemljišta u rejonu «Branjevina» područje MZ-e Trž.Raštela, Općina Cazin, Općinsko vijeće općine Cazin na svojoj I hitnoj sjednici održanoj 23.07.2005. godine, donijelo je

Z A K L J U Č A K

I

Da se područje mjesne zajednice gdje se otvara privremena deponija komunalnog otpada tj.područje Mjesne zajednice Trž.Raštela proglasi «područjem od posebnog značaja» za općinu Cazin. Pod tim se podrazumijeva da svi infrastrukturni projekti imaju prioritet a finansiraju se iz sredstava Budžeta općine, Komunalno-stambenog fonda i JKP «Čistoća» Cazin.

II

Formirati komisiju koja će kontrolisati rad privremenog odlagališta komunalnog otpada i redovno obavještavati Štab civilne zaštite općine Cazin a isti preuzima obavezu da jedanput mjesečno informiše Općinsko vijeće o istoj problematici.

III

Ovaj Zaključak stupa na snagu odmah, a ima se objaviti u «Službenim novinama» općine Cazin.

PREDSJEDAVAJUĆI VIJEĆA
Hozanović Rifet

Broj:01/V-05-5999/05
Datum: 23.07.2005. godine

OPĆINSKI NAČELNIK

899. Na osnovu člana 6. Odluke o osnivanju Komunalno stambenog fonda općine Cazin («Službene novine» općine Cazin, broj: 2/03) a u vezi sa članom 12. stav 3. Zakona o ministarskim, vladinim i drugim

imenovanjima («Službene novine» F BiH broj: 12/03) i člana 139. Statuta općine Cazin («Službene novine» općine Cazin broj: 2/02) u predmetu imenovanja u organe tijela čiji je osnivač Općina Cazin, u skladu sa predloženom rang listom, općinski načelnik, u svojstvu odgovornog javnog službenika, d o n o s i,

R J E Š E N J E

o konačnom imenovanju članova Upravnog odbora Komunalno-stambenog fonda općine Cazin

I

Imenuju se članovi Upravnog odbora Komunalno-stambenog fonda općine Cazin u sastavu kako slijedi:

1. Čataković Hafeza,
2. Djuzelić Ismet,
3. Prošić Elvis,
4. Hadžipašić Admir,
5. Velagić Hamdija.

II

Mandat članova Upravnog odbora traje četiri godine od dana imenovanja.

III

Rješenje stupa na snagu danom donošenja a ima se objaviti u «Službenim novinama» općine Cazin i «Službenim novinana» F BiH.

OPĆINSKI NAČELNIK
Ogrešević Nermin, dipl. ecc.

Broj: 01/N-05-4293/05
Cazin; 15.06.2005. godine

900. Na osnovu člana 13. stav 3. Odluke o organizovanju Javne ustanove za sport i rekreaciju i zadržavanju prava i obaveza Općinskog vijeća općine Cazin (osnivača) prema javnoj ustanovi («Službene novine» općine Cazin, broj: 1/01) a u vezi sa članom 12. stav 3. Zakona o ministarskim, vladinim i drugim imenovanjima («Službene novine» F BiH broj: 12/03) i člana 139. Statuta općine Cazin («Službene novine» općine Cazin broj: 2/02) u predmetu imenovanja u organe tijela čiji je osnivač Općina Cazin, u skladu sa predloženom rang listom, općinski načelnik, u svojstvu odgovornog javnog službenika, d o n o s i,

R J E Š E N J E

o konačnom imenovanju članova Upravnog odbora JU za sport i rekreaciju «Sportski centar» Cazin

I

Imenuju se članovi Upravnog odbora JU za sport i rekreaciju «Sportski centar» Cazin u sastavu kako slijedi:

1. Čataković Jasmin, predsjednik
2. Selimović Asim,
3. Mujakić Sead,
4. Kapić Sulejman,
5. Baramović Ramiza.

II

Mandat članova Upravnog odbora traje četiri godine od dana imenovanja.

III

Rješenje stupa na snagu danom donošenja a ima se objaviti u «Službenim novinama» općine Cazin i «Službenim novinana» F BiH.

OPĆINSKI NAČELNIK
Ogrešević Nermin, dipl. ecc.

Broj: 01/N-05-5409/05
Cazin; 04.07.2005. godine

901. Na osnovu člana 44. stav 1. Zakona o javnim nabavkama Bosne i Hercegovine («Službeni Glasnik» BiH broj: 49/04, 19/05) i člana 60. zakona o upravi u F BiH («Službene novine» F BiH broj: 28/97), Općinski načelnik, d o n o s i,

R J E Š E N J E

I

Imenuje se Konkursna komisija za odabir likovnog ili grafičkog rješenja grba i zastave općine Cazin u sastavu kako slijedi:

1. Ismet Kasumović, predsjednik,
2. Nermin Ogrišević, član,
3. Rifet Hozanović, član.

U radu komisije učestvovat će i stručna lica bez prava glasa, kako slijedi:

1. Hamdija Ljubijankić,
2. Muhamed Samardžić.

Administrativne poslove za komisiju koji se odnose na odnose na vođenju zapisnika na sastancima, izrade izvještaja o radu komisije, vođenja ostale dokumentacije i sličnih poslova koje odredi predsjednik komisije vršit će Sekretar komisije za javne nabavke Husnija Abdić.

II

Komisija iz tačke I rješenja vršit će poslove koji se odnose na prijem i otvaranje ponuda likovnog ili grafičkog rješenja grba i zastave općine Cazin pristiglih na Javni poziv za likovno ili grafičko rješenje grba i zastave općine Cazin objavljen u Jutarnjim novinama 01.07.2005. godine i «Službenim novinama» F BiH i ovlaštena je da ocjeni pristigla grafička i likovna rješenja grba i zastave općine Cazin prema kriterijima za ocjenjivanje utvrđenim u tenderskoj dokumentaciji odnosno u Javnom pozivu a pod uslovima kako slijedi:

Komisija je samostalna u donošenju odluka ili mišljenja o anonimno prijavljenim likovnim ili grafičkim rješenjima Grba i Zastave.

Komisija može saznati imena uspješnih učesnika isključivo nakon što donese Odluku o prihvatanju idejnih rješenja.

Odlukom prihvaćena grafička ili likovna rješenja grba i zastave sa Preporukom komisija će uputiti Općinskom vijeću na usvajanje i konačno donošenje odluke.

III

Komisija sve poslove vrši u skladu sa Zakonom o javnim nabavkama BiH i Uputstvom o primjeni Zakona o javnim nabavkama i drugim podzakonskim aktima donesenim na osnovu Zakona o javnim nabavkama.

IV

Rješenje stupa na snagu danom donošenja a ima se objaviti u «Službenim novinama» općine Cazin i «Službenim novinama» F BiH.

OPĆINSKI NAČELNIK
Ogrešević Nermin, dipl.ecc.

Broj: 01/N-05-5320/05
Cazin; 08.07.2005. godine

902. Na osnovu člana 139. Statuta općine Cazin («Sl. novine općine Cazin broj: 2/02) rješavajući po zahtjevu direktora Akreditirane regionalne razvojne agencije Sjeverozapadne Bosne i Hercegovine, u svojstvu osnivača, općinski načelnik d o n o s i:

R J E Š E N J E

I

Za predstavnika općine Cazin u Koordinacionom tijelu ARDA NW osnovanog Zaključkom Upravnog odbora Akreditirane regionalne razvojne agencije Sjeverozapadne BiH broj: 25/05 od 30.06.2005. godine imenuje se CEROVIĆ ERVIN, dipl.ecc.

II

Imenovani se zadužuje da uredno vrši koordinaciju između općine Cazin i Akreditirane regionalne razvojne agencije Sjeverozapadne BiH što pored ostalih poslova naročito obuhvata:

-vođenje evidencije i blagovremeno obavještanje općinskog načelnika o informacijama koje dostavi Akreditirana regionalna razvojna agencija Sjeverozapadne BiH a koje se odnose na javne natječaje za prikupljanje projekata, investicije, donacije i sve aktivnosti i djelatnosti koje u skladu sa Odlukom o osnivanju obavlja Akreditirana regionalna razvojna agencija Sjeverozapadne BiH,

-blagovremeno dostavljanje informacija Akreditiranoj regionalnoj razvojnoj agenciji Sjeverozapadne BiH koje se odnose na ekonomska pitanja i dešavanja u općini Cazin kao što su: investicije, donacije, projekti, planirane i tekuće aktivnosti na razvoju općine i sl. koje će služiti za potrebe izrade brošure o ekonomskim informacijama u regionu.

III

Rješenje stupa na snagu danom donošenja i ima se objaviti u «Službenim novinama» općine Cazin.

OPĆINSKI NAČELNIK
Ogrešević Nermin, dipl.ecc.

Broj: 01/N-05-5888/05
Cazin, 21.07.2005. godine

903. Na osnovu člana 139. Statuta općine («Sl. novine općine Cazin», broj: 2/02) a u vezi sa članom 2. stav 1. alineja 1. Odluke o utvrđivanju značajnih datuma na području općine Cazin broj: 01/V-05-4256/05 od 16.07.2005. godine općinski načelnik d o n o s i:

R J E Š E N J E

I

Imenuje se Koordinacioni odbor za pripremu obilježavanja 06. augusta Dana Općine Cazin, deblokade Općine Cazin i Unsko sanskog kantona, Dana cazinskih brigada Armije BiH i MUP-a i svečanog otvaranja Centralnog šehidskog obilježja u sastavu kako slijedi:

1. Hozanović Rifet, predsjednik odbora
2. Ogřešević Nermin, član
3. Ćoralić Adnan, član
4. Ljubijankić Hamdija, član
5. Muhamedagić Adisa,
6. Bajrić Azra,
7. Kasumović Ismet,
8. Topić Zuhdija,
9. Mujakić Fuad.

10. Samardžić Irfan, ✓
11. Hairlahović Enver, ✓
12. Ružnić Zuhra,
13. Beganović Mujo,
14. Šarić Enes,
15. Macanović Razim,
16. Ružnić Ramiz, ✓
17. Samardžić Muhamed, ✓
18. Begić Esad,
19. Đuzelić Ismet,
20. Delalić Muhamed,
21. Kovačević Ibrahim
22. Topić Husnija

II

Zadatak Korodinacionog odbora sastoji se u koordiniranju svih aktivnosti koje su u vezi sa obilježavanjem dana 06. augusta i u vezi s tim poduzimanju svih neophodnih radnji uključujući naročito donošenje zaključaka i preporuka.

III

Rješenje stupa na snagu danom donošenja i ima se objaviti u "Službenim novinama" općine Cazin.

OPĆINSKI NAČELNIK
Ogrešević Nermin, dipl.ecc.

Broj: 01/N-05-5954/05
Cazin, 22.07.2005. godine

904. Na osnovu člana 13. stav 3. Odluke o usklađivanju Odluke o organizovanju Javnog komunalnog preduzeća «Čistoća» Cazin od 23.11.2002. god. («Službene novine» općine Cazin, broj: 02/05) u skladu sa Zakonom o javnim preduzećima a u vezi sa članom 12. stav 3. Zakona o ministarskim, vladinim i drugim imenovanjima («Sl. novine FBiH, broj: 12/03) i člana 139. Statuta općine Cazin («Sl. novine općine Cazin, broj: 2/02) u predmetu imenovanja u organe tijela čiji je osnivač općina Cazin, u skladu sa predloženom rang listom, općinski načelnik, u svojstvu odgovornog javnog službenika, d o n o s i,

RJEŠENJE

o konačnom imenovanju članova Nadzornog odbora
JKP "Čistoća" Cazin

I

Imenuju se članovi Nadzornog odbora JKP "Čistoća" d.o.o. Cazin u sastavu kako slijedi:

1. Bajrektarević Jusuf, predsjednik
2. Ljubijankić Irfan
3. Ahmetašević Selvedin
4. Akmadžić Senad

5. Bajrić Enes

II

Mandat članova Nadzornog odbora traje četiri godine od dana imenovanja.

III

Rješenje stupa na snagu danom donošenja a ima se objaviti u "Službenim novinama" općine Cazin i "Službenim novinama" FBiH.

OPĆINSKI NAČELNIK
Ogrešević Nermin, dipl.ecc.

Broj: 01/N-05-6056/05
Cazin, 19.07.2005. godine

SADRŽAJ**OPĆINSKO VIJEĆE**

890. ODLUKA o utvrđivanju značajnih datuma na području općine Cazin.....	2
891. ODLUKA o proglašavanju Dana općine Cazin.....	2
892. ODLUKA o davanju saglasnosti općinskom načelniku.....	2
893. ODLUKA o grbu i zastavi Općine Cazin.....	2
894. RJEŠENJE o utvrđivanju općeg interesa izgradnje objekta repetitorskog podsistema – antenski stub na lokalitetu Velike Gomile.....	5
895. RJEŠENJE o utvrđivanju općeg interesa privremenog zauzimanja državnog zemljišta.....	5
896. ZAKLJUČAK br. 01/V-05-5769/05.....	6
897. ZAKLJUČAK br. 01/V-05-5970/05.....	7
898. ZAKLJUČAK br. 01/V-05-5999/05.....	7

OPĆINSKI NAČELNIK

899. RJEŠENJE o konačnom imenovanju članova Upravnog odbora Komunalno-stambenog fonda općine Cazin.....	7
900. RJEŠENJE o konačnom imenovanju članova Upravnog odbora JU za sport i rekreaciju «Sportski centar» Cazin.....	8
901. RJEŠENJE o imenovanju Konkursne komisije za odabir likovnog ili grafičkog rješenja grba i zastave općine Cazin.....	8
902. RJEŠENJE o imenovanju predstavnika općine Cazin u Koordinacionom tijelu ARDA NW.....	9
903. RJEŠENJE o imenovanju Koordinacionog odbora za pripremu obilježavanja Dana Općine Cazin.....	9
904. RJEŠENJE o konačnom imenovanju članova Nadzornog odbora JKP “Čistoća” Cazin.....	10

IZDAVAČ: SLUŽBA ZA STRUČNE POSLOVE OPĆINSKOG VIJEĆA I OPĆINSKOG NAČELNIKA

Uređuje: Sekretar Općinskog vijeća Ismet Kapić